

S.V. DAKOTA 45 AÑA DI EXISTENCIA

ORANJESTAD(AAN) Historia di S.V.Dakota basicamente no ta diferencia for di otro Organizacionnan.

Tur Club, un mas of menos cu otro, tin su "ups and downs".

Dakota tambe conoce hopi momento di alegria pero tambe di angustia.

Podiser aki historia por ta e mihor maestro pa generacionnan cu ta bin.

Semper tabatin perseverancia pa cuminsa di nobo of sigui.

Tanto di personanan individual of di grupo di hende.

Si di un banda Dakota a pasa varios epoca sin tereno propio na otro banda mester a muda diferente biaha pa jega na lo-cual awe por jama nos cas: Centro di Bario y Deporte Dakota.

Tabatin e.o.tres clubhuis y diferente localidad di cual a haci uso pa cierto periodo

manera school y cas di diferente dirigente.

Cuanto celebracion no a tuma lugar den Dakota bar y na skina di Bouwmaatschappij, mihor conoci como skina cajente.

Tabatin falta di placa pa por ehempel transporte, escases di material, bala y sapato.

Semper tabata sali un of mas hende padilanti cu tabata tuma encargo di e cosnan aki expresando asina e stimacion profundo pa nan club.

Cuanto biaha uniform tabata laba limpi; tabatin appelsina y ijs durante wegá: ningun hende ta puntra ken a paga of si tin recibo!

Otro hende nan hobby tabata drecha e balanan of cose bandera y banderín.

Nos ta kere cu si jovennan sigui cu e mentalidad aki tanto S.V.Dakota como Centro di Bario y Deporte Dakota tey pa keda.



Otty Oliviera, Secretario.

S.V.Dakota dia 15 july 1992(awe) ta recorda su di 45 aña di existencia.

Originalmente un team di futbol pero cu un historia hopi liga na e bario di Dakota y vecindario.

Kizas esaki ta e forza di e Organizacion aki.

Futbol tabata un parti, claro hopi importante, di e vida di tur dia.

Dos persona cu tabata for di comienso y a keda e club semper fiel ta Pedrito(Pedje) Kock, cu hopi ajudo di su Sra.Jacintha, y Edgar(Tigre) Maduro.

ORGANIZACION

E team a worde forma pa Salomon de Castro.

E temponan ey nan tabata usa e veld caminda awor ta Antilliaanse Handel.

Dakota tabata participa na e categoria di junioren y na 1949 nan a bira campeon.

Un dia Momon a aserca Pedji y su famia e tempo nan ey tabata biba na Olijfstraat 8 e cas aki a bira e lugar di encuentro.

Tur siman nan tabata reuni y tur e muchanan tabata presente.

Promer uniform di S.V.Dakota ta maron cu blanco.

Despues ta bira blauw cu blanco.

Dia stadion nobo a habri ta cu bandera blauw cu blanco Dakota a drenta stadion den defile.

Un di esnan cu ta tene bandera na un punta ta Geew(g.e.p.d.) un ruman di Pedji.

Ora Pedji y Jacintha a tuma over trahamento di number y number pa flanel tambe tabata tuma lugar den nan cas.

Nan ta corda cu tin biaha Jacintha tabata cose carson di bala te 12 'or di anochi.

E idea di e colornan geel cu preto a origina den e club mes.

Tambe a bin cu e bandera cu 11 strea.

Door di cura di Pedji tambe ta pasa pa bay train den Wilhelmia Sport Park.

Promer ta busca e jabi cerca hefe di prison.

Na training mes casi tur atardi tin pleitamento door di muchanan cu no ta haya chens pa train.

Tras di cas di Pedji ta biba un macamba y nan mester a pasa den su cura tambe pa jega Sport Park.

Nan por a pasa libremente.

Pero despues e macamba a stop nan.

Pakico?

E homber tabatin caha di refresco den su porch.

E hungdornan di Dakota ta

Sigui lesa pag 19

Wendy's

GEAR UP!

WITH FUN BIKE STUFF

Haña uno cu cada compra di un kids' meal

colecta tur 5

mientras cu tin den stock

© 1992 Wendy's International, Inc.

S.V. DAKOTA 45 AÑA DI EXISTENCIA *Cont pag. 18*

bora e tapa, bebe e refresconan y pone e boternan bek den caha.

Problema pa haja lider no ta cos di awe.

No pasobra no tin pero simplemente pa hecho cu casi semper esnan cu ta bin na remarque tin jen di otro asunto di haci of ta hopi ocupa cu trabao.

Na aña 58 Dakota mester drenta competitie pero no tin ningun hende pa dirigi e club.

E team tey pero no tin directiva.

Dakota a serca di kibra.

Edgar Maduro cu pa e tempo ey ta traha na Lago ta jama Sr. Urlo van Breet di Directiva di A.V.B.

Mensahe cu e ta haya ta cu tin chens ainda si nan entrega lista di hungador y directiva e mes un dia ey.

Atardi en vez di bay train Tigre ta splica Eddy Adonis y Doc Williams y nan ta bay

busca Sr. van Breet.

Sr. van Breet ta haci un cita pa 8'or di anochi.

Y e dia anochi ey Sr. van Breet ta judanan: habri bevolking y check tur number y datos di hungador di hoofklas.

Pero directiva awor?

Dudu Adonis y Eugene Malmberg ta na Colombia; nan ta bira directiva sin nan sa.

Ta dicidi di buta Eddie Adonis su number pa vicepresidente y Pedji Kock(atrobe) pa presidente.

Falta awor pa bisa Pedji cu ela caba di bira presidente di S.V. Dakota.

Ya ta den careda di 10 'or di

anochi.

Tigre tabatin su pida auto y ela sali bay cas di Pedji.

Ta resulta cu Pedji tin warda 12-8 y sali caba bay spera bus di Casimiro.

Nan a sali su tras y ariba cura di cas di famia Rivero dilanti Toko Dakota nan a convence.

Aunque Pedji a puntra con nan por a haci un cos asina ela tuma aden.

Dakota a scapa!

Organizacion di Dakota no a conoce solamente contra-tiempo.

Solo a bria tambe y bon!

Un aña di La Reina tabatin mester di un team extra pa hunga cu e teamnan di e division mas halto di e tempo ey.

Dakota tabata un di e mihor nan di Overgangsklas.

Ora Dakota hunga hopi fanatico di futbol ta bay wega.

Samson un di e dirigente y fanatico nan mas grandi di Dakota a jega di bisa: Dakota is de melkkoer van Wayaka van di A.V.B."

Durante di un wega di e torneo Dakota ta hunga y na halftime wega ta empatá.

Durante sosiego Modestico ta tene un speech y ta puntra publico si nan no ta haya cu Dakota ta merece un lugar den e division mas halto.

E publico ta reacciona positivo y emocioná.

Asina Dakota sin bira campeon a bay ariba.

E periodo mas tristo den e 45 añanan aki sin duda ta durante e problemanan cu frerenan.

Despues cu a traha asina duro pa dempeler tereno, construi un edificio a perde tur cos.

E team un dado momento a hasta split den dos.

Ta asina si cu frere Johannes semper a keda banda di Dakota.

FUTBOL(y asuntonan entorno di futbol)

Aunque hopi biaha den conversacion sa tende cu Dakota falta hopi disciplina nos ta di opinion tambe cu sin compara cu otro no mester bruhá disciplina cu malcriadez.

Hunga cu alma y cuerpo, cu

Sigui lesa pag. 20